



Foi e será noticia...

Outuno cultural, excursión dos maiores e Martes Saudables



Troi

Boletín informativo mensual Concello de Oroso



Oroso lidera a Asociación de Concellos do Camiño Inglés para impulsar a ruta

A Deputación da Coruña foi o mes pasado o escenario dunha reunión na que se presentou oficialmente a Asociación de Concellos do Camiño Inglés, que presidirá o alcalde de Oroso, Manuel Mirás Franqueira.

No encontro, déronse conta das liñas a seguir, dos proxectos e da participación dos concellos nos mesmos. Así mesmo, a Deputación ofrece a máxima colaboración e mesmo persoal de apoio para divulgar esta ruta xacobeá en feiras e mostras nas que participe, como Fitur, FIT Ibérica de Garda en Portugal ou a World Travel Market London 2019, que se celebrou en Londres a semana pasada.

“O de hoxe é un paso importante para a promoción do Camiño Inglés, polo que tanto pelexou o Concello de Oroso”, afirmou Mirás na reunión.

Os concellos da ruta son Ferrol, Narón, Neda, Fene, Cabanas, Pontedeume, Miño, Paderne, Betanzos, Abegondo, A Coruña, Culleredo, Cambre, Carral, Mesía, Ordes, Oroso e Santiago.

Edita e imprime: Concello de Oroso
981 691 478 | 981 690 903



Durante os próximos meses, a asociación presidida por Manuel Mirás organizará numerosas actividades da promoción deste itinerario, pensando xa no Ano Xacobeo 2021.

Feira de Londres

Oroso estivo na citada Feira de Turismo de Londres, onde por primeira vez a Deputación contou cun stand para promocionar o Camiño Inglés. Antonio Leira, concelleiro de Oroso e deputado provincial, asistiu na capital británica a varios actos para divulgar o potencial desta ruta.



Alí mantivo reunións coa ministra de Comercio, Industria e Turismo, Reyes Maroto; o embaixador de España en Londres, Carlos Bastarache Sagües, e con Agustín García, máximo responsable de TurEspana, entre outras autoridades. Todos eles coincidiron en destacar o auge do Camiño Inglés e a importancia da labor divulgativa realizada por Oroso.

O Concello de Oroso é un dos grandes impulsores deste trazado e de feito conta co único centro de investigación dedicado ao seu estudo: o CEICI, Centro de Estudos e Investigación do Camiño Inglés.

concellooroso.com
info@concellooroso.com



As obras do novo campo de fútbol estarán listas a comezos do ano tras un investimento de 428.000€

As obras de construción do novo campo de fútbol de Oroso estarán rematadas a comezos do ano 2020, tras un investimento de 428.000 euros. “Preto de 500 nenos e nenas xogan ao fútbol en Oroso; os responsables do Xuventude demandaron outro campo de, cando menos, 25 x 45 (fútbol 7) ao lado do Lino Balado, pero decidimos facer unhas instalacións moito máis grandes e mellores, respondendo con creces ás demandas deste clube e outros”, lembra o alcalde, Manuel Mirás Franqueira. “As obras tiñan que estar rematadas a mediados de novembro, polo que a empresa encargada debe alixerar para cumprir os prazos e que polo campo esté listo a comezos do 2020”, apunta Mirás.



50.000 euros para cultura e deportes



O Concello de Oroso aprobou nun pleno extraordinario e urxente un modificativo de crédito de 50.251 euros para afrontar diferentes gastos de mantemento nas infraestruturas deportivas e axudar aos clubs locais, así como para mellorar servizos culturais e de ocio.

“Temos moitas demandas e queremos cumprir cos clubs, que necesitan material e unhas infraestruturas adecuadas; con este modificativo axudamos á práctica do hóquei, patinaxe, tenis de mesa, baloncesto ou fútbol, por poñer varios exemplos”, afirmou no pleno o portavoz do grupo de goberno, Antonio Leira.

“Máis de 1.300 persoas practican deporte en Oroso e desde o concello temos que ter as portas abertas para atender as demandas das entidades que traballan neste eido”, afirma Leira.

OUTONO CULTURAL 2019
OROSO
 18 OCT - 22 NOV

<p>VENRES 18 DE OUTUBRO 21h - TEATRO. A compañía A PANADARIA representará a coñecida obra <i>Elisa e Marcela</i>. Teatro para adultos.</p>	<p>MÉRCORES 24 DE OUTUBRO 18h - DIA DA BIBLIOTECA. Actuación musical de Pablo Díaz con <i>fic tac toc canta comigo</i>. Dirixido ao público familiar.</p>
<p>VENRES 25 DE OUTUBRO 19h - CHARLA. A increíble historia da maxia a cargo do Mago Teto. Dirixido a maiores de 7 anos. Inscripcións no 981 690 903.</p>	<p>VENRES 25 DE OUTUBRO 11:30h - Espectáculo para bebés (de 0 a 3 anos). BAOBAB TEATRO. Co espectáculo <i>Puño Puñete</i>. Inscripcións no 981 690 903 ou no centro cultural. Prazas limitadas.</p>
<p>DOMINGO 27 DE OUTUBRO 18h - MAXIA. A cargo de Teto con <i>Alquimia</i>. Dirixido ao público familiar.</p>	<p>VENRES 29 DE OUTUBRO 20h - CONCERTO DE SAMAIN da ESMU.</p>

AS ACTUACIÓNS LEVARANSE A CABO NO CENTRO CULTURAL

Éxito da andaina solidaria a favor de Asanog



Máis de 500 persoas participaron na andaina solidaria organizada polo Concello de Oroso a favor da Asociación de Axuda a Nenos Oncolóxicos de Galicia (Asanog). O mal tempo non impediu que a convocatoria fose un éxito. “Para o Concello de Oroso é moi importante e un orgullo colaborar con iniciativas solidarias deste tipo”, manifestou Antonio Leira, concelleiro de Deportes.

Asanog é unha asociación sen ánimo de lucro que naceu en 2012 a iniciativa dun grupo de familias cun denominador común, ter un fillo enfermo de cancro, e co obxectivo de contribuír no ámbito de Galicia ao mellor estado dos nenos oncolóxicos e as súas familias. Os participantes fixeron unha distancia de cinco quilómetros.



O Concello de Oroso terá unha nova senda peonil

Oroso contará cunha nova senda peonil que conectará o núcleo rural de Oroso Pequeno coa entrada de Sigüeiro, polo parque fluvial do río Carboeiro. Trátase dun tramo utilizado frecuentemente polos eregrinos que percorren o Camiño Inglés, e que actualmente carecen dun paso seguro polo que deben camiñar polo borde da calzada, cos conseguintes problemas de seguridade.

As obras para facer a senda suporán un investimento de 204.501 euros, dos que o 80% serán achegados pola Deputación da Coruña.

